



Tatlong Madaling Hakbang sa Pagsakay sa Bus



**Makakasakay ka sa bus ngayon!
Kasingdali lang ito ng Magplano, Magbayad, at Sumakay.**

PierceTransit.org 253.581.8000



1. Planuhin ang Iyong Biyahe



Tumawag sa Serbisyo sa Kostumer

Ikinalulugod ng tauhan ng Serbisyo sa Kostumer ng Pierce Transit na tulungan kang planuhin ang iyong paglalakbay gamit ang bus. Tumawag sa 253.581.8000, piliin ang Opsiyon 1, at pagkatapos ay piliin muli ang Opsiyon 1, Lunes hanggang Biyernes, mula 6:30 am hanggang 6:30 pm. Maging handa na ibigay ang mga sumusunod na impormasyon:

- Address kung saan ka manggagaling
- Address ng iyong pupuntahan
- Ang araw sa linggo kung kailan mo gustong bumiyahe
- Ang oras sa araw kung kailan mo nais umalis sa address na iyong panggagalingan o dumating sa iyong destinasyon

Paplanuhin ng aming tauhan ang iyong paglalakbay sa pamamagitan ng bus at ipapaalam sa iyo ang pamasaha. Maghanda ng bolpen at papel para isulat ang impormasyon.

Planner ng Biyahe Online: www.PierceTransit.org

Available ito 24 na oras sa isang araw, 7 araw sa isang linggo. Gamitin ang Planner ng Biyahe ng Pierce Transit para planuhin ang iyong biyahe mula simula hanggang sa pagtatapos. Ilagay ang iyong impormasyon, at pagkatapos ay i-click ang button na Plan My Trip at mayroon ka ng plano ng biyahe! Maaari mong i-print ang plano at dalhin ito.



2. Bayaran ang Iyong Pamasaha



Ihanda ang iyong pamasaha bago sumakay. Sa kasalukuyan, ang pamasaha para sa nasa hustong gulang ay \$2.00 para sa isang sakay, o \$5.00 para sa All Day Pass (Pambuonng Araw na Pamasaha). Ang may diskuwentong pamasaha para sa kabataan* ay \$1.00 para sa isang sakay, o \$2.50 para sa All Day Pass.


CASH

Magbabayad ka ng pamasaha sa bawat pagsakay mo sa bus. Kapag nagbayad ka para sa iyong biyahe gamit ang cash, siguruhing sakto ang iyong bayad dahil hindi naglalabas ng sukli ang lalagyan ng pamasaha. Sa pagpasok mo ng bus, may puwang sa lalagyan ng pamasaha na kumukolekta ng mga papel na dolyar at may puwang para sa barya sa ibabaw ng lalagyan ng pamasaha.




ALL DAY PASS (PAMBUONG ARAW NA PAMASAHE)

Mabibili ang Mga All Day Pass ng Pierce Transit sa pagsakay sa mga bus ng Pierce Transit. Sabihin lamang sa drayber, at ipasok ang eksaktong halaga ng cash sa lalagyan ng pamasaha, at ilalabas na nito ang iyong All Day Pass. Makikita ang petsa at oras ng pagkawala ng bisa ng All Day Pass sa likod nito. Sa pagsakay mo sa iyong susunod na bus ng Pierce Transit sa araw na iyon, i-slide ang iyong pass sa magnetic stripe reader o ang tagabasa ng may magnet na linya (nang nasa baba ang magnetic stripe) sa lalagyan ng pamasaha.



PIERCEPAYSM

Isa itong madaling paraan ng pagbayad ng pamasaha sa mga bus ng Pierce Transit. Magagamit ang PiercePay sa pamamagitan ng Hopthru app, na libre at madaling i-set up. I-download ang Hopthru sa website ng App Store o Google Play, at bumili ng Mga All Day Pass o Mga Pang-isahang Sakay na Tiket. Kung mayroon ka na ng app na ito, hindi mo na kakailanganin ng cash o eksaktong pambayad. Kapag handa ka nang sumakay, gamitin mo lamang ang iyong smart phone.



3. I-enoy Ang Biyahe!



ORCA



Kung regular kang sumasakay sa Pierce Transit, isaalang-alang ang kaginhawaan at pagtitipid na dulot ng pamasaha sa bus na naka-load sa ORCA card. Maaari kang tulungan ng tauhan ng aming Serbisyo sa Kostumer na pumili ng pass na pinakamainam na tumutugon sa iyong mga pangangailangan.

Madaling makakuha ng ORCA card

- **Online:** orcacard.com
- **Gamit ang telepono:** 1.888.988.6722 o TTY Relay: 711.
- **Sa personal:** Bumisita sa Bus Shop ng Pierce Transit sa Tacoma Dome Station para makakuha ng ORCA card para sa nasa hustong gulang, kabataan o ng ORCA Card na may Regional Reduced Fare Permit (RRFP, Permis sa Pinababang Pamasaha sa Rehiyon). Bilhin mismo ang card sa maliit na halaga, at handa ka nang bumili ng halaga sa pass o E-purse (ginagamit nang tulad ng cash para bayaran ang iyong pamasaha). Kung kasalukuyan kang tumatanggap ng benepisyo ng transit mula sa iyong employer o ibang organisasyon, magtanong sa iyong Employee Transportation Coordinator (Taga-ayos ng Transportasyon ng Empleyado) kung paano kumuha ng ORCA card.

MGA PINABABANG PAMASAHE

Kung ikaw ay 65 taong gulang o higit pa, may kapansanan na pinatunayan ng isang kuwalipikadong doktor, o kung ikaw ay may Medicare card, maaari kang sumakay nang may pinababang pamasaha. Dapat kang magpakita ng balidong Regional Reduced Fare Permit (RRFP) kapag nagbabayad ng pamasaheng may diskuwento. Para malaman kung kuwalipikado ka, makipag-ugnayan sa Serbisyo sa Kostumer o bumisita sa PierceTransit.org/PT-fares.

* MGA DISKUWENTO PARA SA KABATA-AN

Ang mga may edad na 18 taong gulang at pababa ay kuwalipikado para sa \$1.00 na pamasaha para sa Kabataan ng Pierce Transit. Kung ikaw ay binata o dalaga, mangyaring magdala ng ID card na nagpapakita ng iyong edad. Maaaring gustong malaman ng drayber kung kuwalipikado ka.

Ngayon na dala mo na ang iyong plano at pamasaha, oras na para bumiyahe! Tiyaking dumating sa sakayan nang hindi bababa sa 5 minuto bago ang biyahe.



Kapag sumasakay, maaari mong hilingin sa operator ng bus na ibaba ang rampa ng bus o pababain ang bus kung nahihirapan kang umakyat sa mga hagdan.

Kung gumagamit ka ng wheelchair, tutulungan ka ng operator sa pagtitiyak na ligtas ito.

Maaari mong hilingin sa operator na ianunsiyo ang iyong bababaan kung hindi ka sigurado kung saan ka bababa mula sa bus.

